



ज्वजलपा वाःपौ

JWOJALAPA WEEKLY

दैं न ल्याः ०१ (पूर्णङ्क १४८) ने. सं. ११३७ दिल्लीगा सप्तमि आइतवाः २०७४ श्रावण ०१ गते आइतवार (Jul- 16, 2017)

मू न १- पृष्ठ ६

किपू नगरपालिकाया न्हापांगु नगरसभा क्वचाल

मेयरयात ३५ हजार, उपमेयरयात ३० हजार व
वडा अध्यक्षपिन्त १८ हजार तका तलब कायेगु निर्णय
आन्तरिक श्रोतपाखे तलब मकायेगु कांग्रेसया वडा अध्यक्षपिनिगु घोषणा



ज्वजलपा वाःपौ/

बंगु असार २८ गते किपू नगरपालिकाया नगरसभाया बन्द सत्र जुल । उगु नगरसभां आः वडगु आर्थिक दँया निंति ७९ करोड ५६ लाख १४ ठुः बजेट विनियोजन याःगु दु । गुकी पुँजीगतपाखें ५६ करोड ९५ लाख तकाः दाँ फ्याःगु दु । अथेहे चालुपाखे १२ करोड तका धेवा फ्याःगु दु ।

भुखाचं पिडितपिन्त छँया नक्सा पास याइवले ९० प्रतिशत मिनाहा बिडगु खँ नं क्वःछ्यूगु दु । अथेहे घरजग्गा करय् १५

प्रतिशत छुट बिडगु जूगु दु । वडा नं. ४ व ६ नगरपालिका दुने लाःसां गाथें जुयाच्वन । अन विकासया निंति प्रत्येक वडाया ७० लाख धेवा बिडगु । मेगु च्यागु वडाया प्रत्येक वडायात ५० लाख धेवा बिडगु निर्णय याःगु दु ।

कृषि शिक्षालय पलिस्था यायेत ५४ लाख, पर्यटन शिर्षक्य कोर एरिया दुने परम्परागत शैलिया छँय् दनेत ग्वाहालि यायेगु निंति रु.१० लाख तका, पर्यटन सूचना केन्द्र पलिस्था यायेत रु. ५ लाख, वस पार्क व सार्वजनिक शौचालयया निंति रु.५० लाख,

होमस्टे प्रवर्द्धन यायेगु निंति रु.१० लाख नापं थिथी शिर्षक्य याना ९२ लाख तःगु दु ।

अथेहे सम्बृद्ध किपू ज्याभवलय आई टी पार्क, ई लाईब्रेरी पलिस्था, प्रत्येक वडाया फ्री वाईफाई जोन व्यवस्था यायेत, शैक्षिक वृत्तिविकास अक्षयकोष पलिस्था यायेत, पूर्ण साक्षरता ज्याभवः प्राविधिक शिक्षालय पलिस्था, नेपालभाषा एकेडेमी अध्ययन, अनुसन्धान व प्रकाशन ज्याभवः नापं युवा स्वरोजगार/नगर युवा स्वर जेजगार ज्याभवः नापं यानां मुक्कं

रु.२ करोड बीस लाख धेवा फ्याःगु दु । त्वनेगु लः (खानेपानी)या निंति १९ करोड, नगर बस सञ्चालन यायेत ५० लाख नं तःगु दु ।

अथेहे नगरसभां पुलांम्ह मेयर हिराकाजी महर्जनया संयोजकत्वय् कीर्तिपुर विकास परिषद नं गठन याःगु दु । अथेहे उपमेयर सरस्वती खड्काया संयोजकत्वय् न्यायिक समिति नं गठन याःगु दु ।

अथेहे नगरसभां मेयरयात लच्छिया ३५ ठुः, उपमेयरयात ३० ठुः व वडाध्यक्षपिन्त १८ ठुः

तलब कायेगु निर्णय याःगु दु । आन्तरिक श्रोत तलब नयेमज्यू । प्रदेश वा संघं क्वःछिना हलकि तिनि तलब कायेगु यायेमाः धकाः नेपाली कांग्रेसया टिकटं त्यानावःम्ह वडा नं.४ या वडाध्यक्ष राजेन्द्र वानियाँ थःगु खँ तयादीगु खः ।

तर एमालेया बहुमत दुगु नगरसभां बहुमतं मेयरया प्रस्तावयात पारित याना वडा अध्यक्ष राजेन्द्र वानियाँया

प्रस्तावयात अस्वीकृत याःगु खः ।

उखे नेपाली कांग्रेसया टिकटं त्यानावःपिं किपू नगरपालिकाया स्वम्ह वडा अध्यक्षपिन्सं आन्तरिक श्रोतपाखें तलब मनयेगु धकाः घोषणा यानादीगु दु ।

किपू नगरपालिका नेपाली कांग्रेसया वडा नं.४, ५, व ८ या वडाध्यक्षपिन्सं आन्तरिक श्रोत तलब मनयेगु निर्णय याःगु खः ।

किपूया युवातयूत वःगु अवसर

- नेवाः एफ एमया ज्याभ्वः न्ह्याकामि जुइत
- नेवाः एफ एम १०६ दशमलब ६ या प्राविधिक जुइत
- बजार व्यवस्थापक जुइत

स्वापू तयादिसँ

ज्वजलपा वाःपौ व कीर्तिपुर सन्देश

साप्ताहिक फोन नं. ४३३३००७

९८४१४०१०७७ व ९८४१७५२५८३





ज्वजलपा वा:पौ

सल्लाहकार
श्रीकृष्ण महर्जन
प्रकाशक:

नजरराम महर्जन
सम्पादक

श्रीकृष्ण तण्डुकार
ले-आउट:

ज्वजलपा डेस्कटप
संवाददाता

रामभोला महर्जन, निरजमान सिंह
थाक्

प्रिन्ट स्काई, यें

ज्याकू: निखासी त्वा: किपू नपा-३

फोन ल्या: ४३३३००७, ९८४९४०९०७७

ई-मेल : jwojalapaweekly@gmail.com

सम्पादकिय

थौनिसें ज्वजलपा वा:पौ च्यादैय् च्वन

नेवा:तय्गु बहुमत दुगु ऐतिहासिक नगरी किपुली नेपालभाषाया पत्र पत्रिका इलय् व्यलय् पदनाच्वंगु दु । छुं दै पदनी अनं छुं नं छुं कारणं याना: बन्द जुइ । किपुली दकलय् न्हापां लकस वा:पौ समाचार पत्रिकाया रुपय् पदने । यक्व हे लोकहवा:गु पत्रिकाया रुपय् किपुली भिनिस्:मह ब्वनामिपि दुगु न्यने दु । खुदै न्हय्दै पदना आन्तरिक कचवं पदनां बन्द जुल । अनं लिपा हानं व पत्रिका पदने मफुत । बरु खस भाषां निगू स्वंगू वा:पौ पदने ।

देश्य राजनीतिक हयूपा: वल । जनताया प्रतिनिधि संविधान द्यकेगु निंति संविधान सभाया चुनाव जुल । राजतन्त्र अन्त्य जुया गणतन्त्रया घोषणा जुल । देश संघीय गणतन्त्रय् वन । संघीय प्रदेश मध्ये नेवा: स्वायत्त राज्यया माग वल । वहे नेवा: स्वायत्त राज्य धइगु छु ख: धइगु ध्वा:शुङ्केया निंति छगू पौमा:गु वा: चाय्का किपुली नेपालभाषाया वा:पौया आवश्यकता महसुस याना: ज्वजलपा वा:पौ पदंगु ख: ।

थुगु ल्याखें स्वयेगु ख:सा ज्वजलपा वा:पौ पदंगु नं न्हय्दै फुनां च्यादै दत । थुगु दथुई प्राविधिक कारणं याना: दच्छितक ज्वजलपा दिपा: काल । थ्वहे दथुई किपुली “न्हगु ज्वजलपा वा:पौ” पदने । किपुली निगू नेपालभाषाया वा:पौ चलय् यायेत थाकुई धका: ज्वजलपा पिमदन । हानं “न्हगु ज्वजलपा वा:पौ” दित । स्वदै तक पियाच्वना । अयून न्हगु ज्वजलपा वा:पौ पिमदन । उकिं न्यादै लिपा हानं ज्वजलपा वा:पौ पदने । ज्वजलपा वा:पौ मदिक पदंगु नं निदै दत । पाठकपिनिगु माया मतिनां यानां मदिक पदने फयाच्वंगु दु । आ: वया सूचना विभागय् नं वर्गिकरणया निंति वने धुकूगु दु । छिकपिनिगु ग्वाहालि दयाच्वन धा:सा मदिक पथिनां वनेत व: जुइ ।

गजल शौरभ शाक्यया

गजल-३७



सुनां जिगु जीवनय्, मत:च्याकाबिल वंहे जिगु जीवनायात, सत:यानाबिल । याकचा उखेंथुखें, चाहिला जुया जि लैय् थ:गु हे तुति, त:त क्यनाबिल । जिन्दगी थुलितक, मय:या वनकि थ:गु पहलं सुनां, कत:यानाबिल । यक्व:दत सुम्क सुम्क, थ:गु हे तालं अयला पासां थ:त, लत:यानाबिल । भतिचा आस, क्वा:गु कराही ल:सुथें सुत नुग: च्वाप्च:चाथें, पत:तज्यानाबिल ।

नेवा:तसें नेवा:भाय् त्व:ता: वनांच्वंगु खँय्



रोशन श्रेष्ठ

नेवा:तसें नेवा:भाय् त्व:ता: वनांच्वंगुलिं जित:थें हे पासा Nabin यात नं इलयव्यलय नुग: ख्वयेकु । पासां च्वल- “विस्का जात्राया लू थिमिइ दुहा भासैं ।”

तस्सक न्हय्दैपुगु जात्रा । स्वये बलय् मन हे चकं । नेवा: देय् । नेवा: दाजु किजा । नेवा: त:केंहे । भाय् नेवा: । थाय् नेवा: । बाजा नेवा: । जात्रा म्हितपिं फुक्कं नेवा: । जात्रा स्व:वइपिं अप्ठ: नेवा: । तर अन विस्का: जात्राया भिन्तुना ब्यानर स्वया दिसैं (फुक्क खय् भाय् । हाकनं ब्यानर त:पि मनू, संस्था सहकारी फुक्क नेवा: ।”

जिं थ:गु नुग:खँ तना:

थये जुयेगु लिं थिमिइ च्वपिं थ:त स:स्यूधा:पिं बुजुक नेवा:त हे जिम्मेवार ख: । जि गुलि जक हाला जुया कम से कम नेवा:तसें न्ह्याकाच्वंगु सहकारीया मिडिड माइन्ट नेवा:भासं च्व, नेवा: पासापिं थ:थवय् फेसबुकय् खँ ब्याकेबलय नेवा:भासं च्व, कविता मुक्तक हाइकु च्वयेबलय नेवा:भासं च्व, थ:थ:गु प्राइभेट (बोर्डिड) स्कूलय नेवा:भासं छगू विषय व्केगु व्यवस्था तये हजि - अहँ सुनां सुनां तक खँ मन्यं ।

सहकारी चलेयानाजूपिं पासापिन्त नं धया- ए कमसेकम मिडिडया माइन्ट खँय् भासं च्वयेमते । न्हापा धका सा नेवा:भाय् छलय कि पञ्चायतं दमन याइगु, आ:ला लोकतन्त्र वयेधुकल, छाय् नेवा:भाय् छयलेत ग्यायेमा:गु ? तर पासापिन्सं धाल, खँय भासं माइन्ट मच्चल कि जिल्ला कार्यालयलं मान्यता मब्यू । अथेसा मान्यता बिइकेत ल्वायेमाल । जि हे मजिल धा:सा थ:थाय् नेवा:भासं माइन्ट तया इमित खयभासं उल्या याना वियेमाल । अथें च्य: जुया इमिसं छु छु धाल व व याना जुयेगु ला

? सहकारी भीगु हँ, धिवा भीगु हँ, ज्या भीगु हँ, सनाजुइपि भी हँ, अले यायेगु इमिसं गथे धाल अथे ? - क्या खतम च्य: बुद्धि हाँइ नेवा:तयेके ? छुं हे छुं हे याना नये भुता मनुपिं गफाडि खयबर्मू हाकिमतयत सहकारीपिन्सं मू पाहां दयेकेत धें धें बल्ला याना जुइ । इमिके हुति दुसा ला इमिगु थासय् भराय् दंगु सहकारी दयेका: विकास याना क्यनेमाल नि । भीथाय वया सहकारी थथे सहकारी अथे धका व क्वात्रापिन्सं भासन ब्यू वयेगु नैतिक अधिकार ग्व: ? थज्या:गु खँ छुं हे विचा: मयासैं व हे ज्या छुं मस:पिं खँ जक स:पिं मनुतयत माने माने याना मू पाहां दयेका सहकारीया कार्यक्रम याना जुइगु खनीबलय् जित: मतिइ वइगु कि थ्व सहकारी सञ्जाल धयागु हे खयबर्मू च्य: नेवा:त उत्पादन यायेगु उद्योग जुया वना च्वन । खँय बर्मूपिन्त थापना याना पुजा मयायेकं छुं नं ज्या सफल जुइमखु धैगु चेतनाय विश्वास याकेगु संयन्त्र कथं सहकारीया विकास जुया वनाच्वंगु खर । सहकारी दयेका धिवा भति भति मुनेवं सकलें सहकारीवाला त च्वय् च्वय् धा: । कार्यक्रमत स्वयेबलय ला सफल जुगु दम्भ ज्वना त:गु ख:ला धका नं मतिइ वनीगु । तर ज्याखँ धा:सा च्य:बुद्धि ध्वाना यंकात:गु खने दु । श्रृजनात्मक सोच तकं म्हो दु । मेपिन्सं छु यात उकेया नक्कल यायेगु माक: प्रवृत्ति यक्व खने दु । सहकारी पुच:त अजा:गु च्य: बुद्धि व माक: प्रवृत्ति मुक्त जुया सामाजिक दायित्व पू वंकेत यक्व ग्वहालि यायेफइ । मेपिन्सं गथे यात अथे याये म्वा: भीगु थ:गु हे पहलं नं यक्व ज्या याये ज्यू धैगु थूलि छकूचा खँ जक विचा: या:गु जूसा नं दक्वं सहकारीपिन्सं खँय भासं ब्यानर मतइगु खइ । तर नक्कल जक यायेगु बुद्धि जुसैलिं थथे हे मखा ।

मेपिं ला खँ हे त्व:ति, भीत ‘थ:गु भाय्या मतिना यायेमा:’ धका मचाबलय स्यनात:पिन्सं हे फेसबुकय ‘विस्का: जात्राको शुभकामना’ धका च्वया जुल । जि जक ज्यूसा ख्वा:पातिक भापड नके मास्ते व: । भ्वखाय् ब्वयेवं नेवा:तसें ‘भ्वखाय् ब्वल’ धका स्टार्टस मच्च: ‘भुइचालो आयो, फेरी आयो’ धका च्वया जुइ । चा:ह्यू व:सां ‘माँ काय्, जिगु छेंज:’ धका च्वइमखु आमा छोरा, मेरो परिवार’ धका च्वया हइ । मस्तसें जाँचय् बालाकुसा ‘जिमि काय् म्थ्याय् यात बधाइ’ धका च्वइमखु ‘मेरो छोरा छोरीलाइ बधाइ’ धका च्वया हइ । स्वये बलय् इपिं बुसां निसें खँयभासं च्याँय् च्याँय् ख्वया त:ह्वि जूपिं थें च्वक खँय भासं च्वया जुइ । प्रचार या लोभं, तालिया लोभं, फेसबुकया लाइकया लोभं थथे याना जूगु कि ? थथे याना जुल धायेवं खसबर्मू सरकारं छें छें जाकिबोर । दिके हइगु कि ? अथे ला खै मखु जुइ । थ:गु ल्हा चुलि ज्ययेक सिना सिना थ:हे जोते जुया कमेयाना नयेमा: । वं वं थाय् नेवा: नां जूगुलिं न्ह्याक्व: हे खँय पठ: पिकाना जूसां पक्षपात व दोस्रो दर्जाया नागरिक कथं व्यवहार भोगे याये हे मा: । खँयभाय् भ्वासि चाया छयला जुया न ग्याँस छें छें थ्यन, न पेट्रोल मदुबलय १ लिटर पेट्रोल हे खसबर्मू पिन्सं दयामाया याना बी हल । न दुनाच्वंगु देग: फल्वा ध्वाका छें भिकेत ह खसबर्मू सरकारं खसबर्मू समाजं छुं छुं हे याना बिल । अले छुं नं मदइगु छुं नं बी मफूपिं पवगिं खसबर्मू पिनिगु चाकरी याना खँयभासं थ:त व्यक्त याना जुइगु गजा:गु च्य: रहर ? थ:पिन्त कमजोर यायेत, थ:पिन्त कत:च्य: यायेत थ:पिन्सं हे थजा:गु भुमिका म्हिता:जूगु या असर समाजय थुलि बाँमलाक्क लाना वल कि - ओहो आ:ला नेवा:भाय् स:पिं मस्त हे नेवा:भाय् ल्हाये मछ्छा: खनीसा । थ्व तस्कं तस्कं सिरियस समस्या ख: ।

जिं ला खने धुन, नेवा: समाज सिना वना च्वन । नेवा: समाजया छम्ह दुज: धका गर्व यायेगु थाय् मदये धुकल । खसभाय् व खसकरण जुयावंगु तजिलजिं नेवा समाज व सभ्यतायात दिपय् यंका उइगु ज्या याना च्वन । नेवा:आत्मा मदयावंगु व जात्राया धिमय् स: न सिथं यंकाच्वंगु नायिखंया स: जुयावंगु जिं महसुस याना । ख: जात्रा दैयदसं न्ह्यानां च्वनी, नया त्वना मस्ति यायेगु वा धिमय् थाना प्याखँ हुलेगु, देग: कुविइगु, व सिन्ह: स्क्वेलेगु लतं मुं वइपिं नं दयाच्वनी, तर जात्राया नेवा: आत्मा धा:सा सिना वनाच्वंगु दु ।

पत्रकारपिं पूर्णिमा डंगोल व पौभा डंगोलया अबु मन्त

ज्वजलपा वा:पौ/

नेवा: पत्रकारतय्गु राष्ट्रिय संगठन नेवा: पत्रकार राष्ट्रिय दब्यूया यें जिल्लाया ज्यासना पुच:या दुज: पौभा डंगोल व नेवा: पत्रकार राष्ट्रिय दब्यूया दुज: पूर्णिमा डंगोल शाक्यया अबु व नेपालभाषाया सक्रिय कार्यकर्ता किरण शाक्यया सस:अबु दानवहादुर डंगोल वंगु शनिवा: मन्त ।

पत्रकार पूर्णिमा डंगोल व पौभा डंगोल नेपालभाषाया कार्यकर्तापिं नं ख: ।

ता:ई न्हय:निसें जलास्यँया क्यान्सर जुयाच्वनादीम्ह वय्क: ६७ दै दुम्ह ख: ।

मदुम्ह महर्जनया अन्तिम संस्कार यँया टेकुइ च्वंगु दीपय् जूगु ख: । पत्रकार नापं नेपालभाषा ख्य:या कार्यकर्तापिं पूर्णिमा डंगोल व पौभा डंगोलया अबु मदुगुलिं नेवा: पत्रकार निसें नेपालभाषा ख्य:या कार्यकर्तापिन्सं विचा: हायेकादीगु दु ।



पत्रकारपिं पूर्णिमा डंगोल व पौभा डंगोलया मदुम्ह अबु दानवहादुर डंगोल

नेवा: एफ एम आ: अनक मिडिया प्रा.लिपाखें व्यवस्थित कथं न्ह्याकीगु



ज्वजलपा वा:पौ

थनि १०-११ दै न्ह्य:निसें न्ह्या:गु नेपालभाषा एकेदेमिया नेवा: एफएम १०६.६ मेगाहर्ज आ: अनक मिडिया प्रा.लिं न्ह्याकीगु जूगु दु । न्हूगु व्यवस्थापन व न्हूगु पहलं न्ह्याकेगु तातुना: नेपालभाषा एकेदेमिया नितिं अनक मिडिया प्रा.लिं नेवा: एफएम न्ह्याकेत्यंगु ख: ।

थ्वहे भवलय् ने.सं. ११३७ दिल्लीगा तृतीया (असार २८ गते) बुधवा: थुगु एफएम संचालन यायेगु नितिं क्पूया थीथी ख्य:या संचारमाध्यमया संचारक:मिलिसें भाषासेवीलिसें नेवा: एफ.एम. न्ह्याका: वयाच्विपनिगु दथुइ छगू सहलह मुंज्या जूगु ख: ।

अनक मिडिया प्रा.लि.या म्यानेजिङ डारेक्टर नविन महर्जनया सभानाय:सुइ न्ह्या:गु उगु सहलह मुंज्याय् संचारक:मि श्रीकृष्ण महर्जनं नेवा: एफएम १०६.६ मेगाहर्ज न्ह्याकेमा:गु विषयस लिसें आ: न्हूकथं न्हूगु व्यवस्थापनं गुकथं न्ह्याकेगु जुइ धैगु विषयस ध्वाथुइका: दीगु ख: । आ:या अवस्थाय् नेवा: एफ एम संचालनया नितिं स्वंगू कथंया जनशक्ति दइ धयादिसें वय्कलं छगू जनशक्ति कर्मचारीया रुपय् हे न्हिया न्हिथं ज्या याइपिं, मेगु कथंया जनशक्ति धइगु निश्चित ई ज्या याइपिं अर्थात ज्याभ्व: न्ह्याका निश्चित पारिश्रमिक काइपिं अले

मेगु कथंया जनशक्ति धइगु स्वयममेवक जुइ धयादिल । नेवा: एफ एम सामुदायीक एफ एम जूगुलिं समुदाययात हे परिचालन याना थुगु एफ एम संचालन यायेगु जुइ धका: पत्रकार महर्जनं धयादिल । अथेहे, संचारक:मि नजरराम महर्जनं नेवा: एफएमया विषयस नेपालभाषा एकेदेमिलिसें जूगु खँया जानकारीलिसें अनक मिडियाया नविन महर्जनलिसें जूगु खँपाखें न्हूगु व्यवस्थापनं आ: उगु नेवा: एफएम न्ह्याकेगु विषयस जानकारी वियादीगु ख: । वय्कलं नेवा: एफ एमयात किपूमित जाना संचालन यायेमां धका: धयादिल ।

ज्याभवलय् किपूया नेपालभाषा सेवीपिं प्रा.डा. तुयूवहादुर महर्जन व नेपालभाषा क्षेत्रया अनुसन्धानकर्ता प्रयागमान सिं प्रधानलिसें भाषासेवी बुद्धिलाल ज्यापुपनिगु उपस्थित दूगु ख:सा संगीतक:मि गुज्ये मालाकार, संचारक:मि नविन जोशी, ज्ञानबहादुर महर्जन नेवा:,

ओमकृष्ण ताम्राकारलिसें थीथी संचार ख्य:या व्यक्तिपनिगु उपस्थिति दूगु ख:सा टेक्निसियन शान्तराज शाक्यया नं उपस्थिति दूगु ख: ।

रामभोला महर्जनं न्ह्याकादीगु उगु ज्याभवलय् टेक्निसियन शान्तराज शाक्यं म्हिग: व थौं नेपालभाषा एफएम १०६.६ मेगाहर्जया स्थितिया विषयस ध्वाथुइकादीगु ख: ।

ज्याभवलय् किपूया भाषिक कार्यकर्ता, नेवा: नुग: दुपिं नापं संचारक:मिपिन्सं नेवा: एफ एमयात व्यवस्थित रुपं संचालन यायेगु नितिं थपिन्सं नं मा:गु कथंया भूमिका म्हितेगु वचं वियादीगु ख: ।

किपू नगरपालिका २ वडा द्वा:धाखा त्वालय् च्वंगु न्यामासिमाया नेपालभाषा एकेदेमिया बैठक हलय् जूगु उगु सहलह ज्याभवलय् अनक मिडिया प्रा.लि.या म्यानेजिङ डिरेक्टर नविन महर्जनं आ: नेवा: एफ.एम. संचालन यायेत्यनागु उद्देश्ययात ध्वाथुइकादिसें अनक

मिडियां नाफामूलक कथं मन्ह्याकुसे समावेशी कथं न्ह्याकेगु जानकारी वियादिलसा वय्कलं अनक मिडियाया श्लोगान हे 'मिडिया फर सोसिअल गुड' धका: तयागु खँ नं कनादिल । वय्कलं एफएम संचालनया नितिं आर्थिक व्यवस्था मदयेकं मगा:गु खँ न्ह्यथनादिसें नेवा: एफएम आ: पारिश्रमिक विया: हे न्ह्याकेगु वचं नं वियादीगु ख: ।

नेवा: एफएम १०६.६ मेगाहर्जया प्रसारण वंगु २०७२ वैशाख १२ गतेया भुखाय् लिपा एफएम स्टुडियो स्थंगुलिं दिनाच्वंगु ख:सा आ: वया: हाकनं न्हूगु व्यवस्थापनं संचालन यायेगु नितिं नेपालभाषा एकेदेमिया नितिं अनक मिडिया प्रा.लिं भाला कुव्यूगु ख: ।

नेपालभाषा एकेदेमि किपूया गालय् ला:गु थाय् जूगुलिं प्रसारणया भवलय् गनं तायेदइगु व गनं मदइगु जुइगु समस्या व्वलनाच्वंगुलिं आ: नेवा: एफएमया नितिं टावर किपू नगर

य् च्वय् ला:गु थाय् द्वा:धाखाय् निर्माण ज्या क्वचायेधुंकूगु दुसा नेपालभाषा एकेदेमिया भवनय् न टावर दयेके ज्या जुयाच्वंगु दु । थ्व ल्याखं नेवा: एफएम १०६.६ मेगाहर्जया निगू टावर दइगु जूगु दु ।

आ: याकनं हे संचालन जुइत्यंगु उगु नेवा: एफएम न्हिच्छि चिच्छि हे प्रसारण जुइगु जानकारी नं ब्यूगु दुसा न्हापां सुथय् ६ निसें ९ ता ईतक व न्हिनय् २ ता ईनिसें ५ ता ईतक जक न्ह्यानाच्वंगु ख:सा न्हिनय् प्रसारण बन्द जुइगु जुयाच्वंगु ख: । नेवा: एफ एम संचालनया नितिं द्वा:धाखा लागय् न्हूगु टावर तयेगु ज्या क्वचाये धुंकूगु दुसा आ: याकनं हे नेपालभाषा एकेदेमिया ज्याकू न्यामासिमा लाग्ना हे नेवा: एफ एम नियमित रुपं संचालन जुइगु जूगु दु ।

आ: याकनं हे नेवा: एफ एम संचालनया नितिं नेपालभाषा एकेदेमिया भवन दुगु लाग्ना न्यामासिमा लागाय् ज्याकू तकं संचालन यायेगु जुइ धा:गु दु ।

४९ क्व:गु यल जिल्लाव्यापी

न्ह्यस: लिस: कासा क्वचाल

ज्वजलपा वा:पौ/

यलया पद्मावती युवा समूहया ग्वसालय् पद्मावती महाविहार न:वहालय् ४९ क्व:गु न्ह्यस: लिस: कासा जुया: क्वचा:गु दु । असार २१ गतेनिसें न्ह्या:गु बु.सं. २५६१ क्व:गु बुद्धजयन्तीया लसताय् ४९ क्व:गु यल जिल्लाव्यापी बुद्ध व बुद्धधर्म सम्बन्धी बिजं कासा (न्ह्यस: लिस: कासा) म्हिग: असार २४ गते शनिवा: क्वचा:गु दु । कासा असार २१ गते, २२ गते व २४ गते याना: स्वन्हुयकं न्ह्या:गु ख: । कासाय् यलया थीथी त्वा:या पुस्तकालय, मिसा पुच:, मचा पुच:पिन्सं व्वति का:गु ख: । शनिवा: उगु न्ह्यस: लिस: कासाया दकले लिपांगु निर्णायक कासा जूगु ख: । उगु ज्याभवलय् त्यापिं खल: पुच:यात रनिङ्ग शिल्डलिसें थीथी लुमन्ति चिं लिसें प्रशंसा पौ ल:लहाना: सम्मान या:गु ख: ।



श्रेष्ठया हत्यारापिन्त कारवाहीया माग



ज्वजलपा वा:पौ/

तुल्सीपुर नेवा: समाज तुल्सीपुर दाङया पुलांम्ह नाय: लिसें समाजसेवी व व्यवसायी राजकुमार श्रेष्ठयात अपहरणकारीपिन्सं अपहरण याना: निर्ममतापूर्वक हत्या या:गु विषययात कया: नेवा:तय्गु राष्ट्रिय संगठन नेवा: देय् दबूलिसें मुक्कं नेवा: समुदाय स्तब्ध जूगु दु ।

नेवा: देय् दबूया केन्द्रीय मूछ्याञ्जे माइलाबाबु चोलां ल्हा:चिं तया: छगू प्रेस विज्ञप्ति सार्वजनिक यासें थुगु खँ न्ह्यथनादीगु ख: । देय् दबूया उगु विज्ञप्तिइ तुल्सीपुर नेवा: समाजया पुलांम्ह नाय: लिसें समाजसेवी व व्यवसायी श्रेष्ठया हत्याय् दुथ्यापिं हत्यारा अपराधीपिन्त कडा सिबें कडा कानूनी कारवाही यायेत माग यानात:गु दु । उगु विज्ञप्तिइ हत्यारापिन्त कारवाहीया मागया लिसेलिसें मदुम्ह राजकुमार श्रेष्ठयात श्रद्धाञ्जलि देछासें दु:खं क:पिं सकल छेज:पिन्सं धैर्यधारण यायेफयेमा: धका: समवेदना प्वकात:गु दु ।

माओवादी केन्द्रपाखें नवीन महर्जनयात श्रद्धाञ्जलि देछात

ज्वजलपा: वा:पौ

नेकपा माओवादी केन्द्र किपू नगर कमिटी किपूया मंगल मा.वि.इ महुमह नवीन महर्जनया लुमन्तिइ २३ न्ह्या दिं श्रद्धाञ्जलि सभा या:गु दु । उगु श्रद्धाञ्जलि सभाय् महुमह नवीन महर्जन आवद्ध थीथी संस्थाया प्रतिनिधिपिन्सं महुमह नवीन महर्जनया व्यक्तिगत कार्यशैली, विचा: व सामाजिक व्यवहारया विषयस खँ तयादीगु ख: ।

वयक: आवद्ध संघसंस्थापिन्सं थपिन्त त:धंगु क्षति जूगु खँ न्ह्यथनादीगु ख:सा उगु सभाय् नवीन महर्जन आवद्ध संस्था इन्द्रेणी सांस्कृतिक संमाज (इसास)या कलाकारपिन्सं महुमह नवीन महर्जनया लुमन्तिइ श्रद्धाञ्जलि म्ये न्ह्यव्यादीगु ख: । सभाय् नेकपा माओवादी केन्द्रया वरिष्ठ न्वकू नारायणकाजी श्रेष्ठं महुमह नवीन महर्जनयात

लुमकूसे पार्टीयात त:धंगु क्षति जूगु खँ तयादिलसा थौकन्हय् कम्युनिष्ट आन्दोलनय् जुयाच्चंगु गुगु श्रष्टिकरण ख: वयत चीकेत महुमह नवीन महर्जनयात लुमका: कर्मठ, इमान्दार, नैतिकवान व योगदानया विषयस वयकलं यानादीगु ज्यायात निरन्तरता बिया: समाजय् सामाजिक, राजनीतिक विकासया नितिं न्हूनि नवीन उत्पादन यायेफ:सा जक देय् विकास व पार्टी विकास जुइफइ, अले जक महुमह नवीनप्रति सच्चा श्रद्धाञ्जलि जुइ धैगु खँ तयादीगु ख: । उगु सभाय् दिलीप महर्जन, हितमान शाक्यलिसं महुमह नवीन महर्जनया छँज:पिनिगु उपस्थिति दूगु ख: । सभाया सभानाय: शम्भुराम महर्जन मान्छे, जुयादीगु ख: । महुमह नवीन महर्जन छम्ह संगीतक:मिलिसं खेलकुद पत्रकार नं ख: ।

नेवा: पत्रकारपाखें मेयरयात ज्ञापन पौ नापं भिंतुना पौ



ज्वजलपा: वा:पौ

नेवा: पत्रकारतय्गु राष्ट्रिय संगठन नेवा: पत्रकार राष्ट्रिय दबूपाखें छगू ज्याभव:या दथुइ यल महानगरपालिकाया मेयर चिरिबाबु महर्जनयात छगू हे दबुलिइ ज्ञापन पौ नापं भिंतुना पौ ल:ल्ला:गु दु ।

विहिवा: यलय् नागरिक पत्रकारिता तालिम समापन समारोहस नेवा: पत्रकार राष्ट्रिय दबूया नाय: श्रीकृष्ण महर्जनं मेयर महर्जनयात

यल महानगरपालिकापाखें स्थानीय नेवा: पत्रकारत विकासया नितिं भूमिका म्हितेमा:गु खँ न्ह्यथसं ज्ञापन पौ ल:ल्लानादीगु ख:सा अथेहे मेयर महर्जनया कार्यकाल सफलताया कामना यासं भिंतुना पौ ल:ल्लानादीगु ख: । तालिमया कजि नापं पत्रकार दबूया मूछयाजे सुनिल महर्जनं नागरिक पत्रकारिता तालिमया महत्त्वनिसें स्थानीय तह व नेवा: पत्रकारतय्गु स्वापू नापं कन्हय्या दिनय् म्हितेमा:गु भूमिकाया बारे खँ तयादीगु ख: ।

मूपाहाँ यल महानगरपालिकाया मेयर चिरिबाबु महर्जनं थौया इलय् समाजय् हिउपा:या नितिं पत्रकारतय्गु त:धंगु भूमिका दु धयादिसं नेवा: पत्रकारतलिसे जाना न्ह्या:वनेगु नितिं थ: तयार दु धका: वचं बियादीगु ख: । नेवा: पत्रकार राष्ट्रिय दबूया केन्द्रीय न्वकू नापं तालिम विभागया कजि सुरजवीर बज्राचार्यया सभापतित्वय् जूगु उगु ज्याभवलय् नागरिका पत्रकारिता नापं नेवा: पत्रकार व स्थानीय तहया स्वापूया बारे थ:थ:गु विचा: प्वंकादीगु ख: । स्वन्हु यंक्या नागरिक पत्रकारिताया तालिमय् ब्वति कयादीपिन्त मूपाहाँ मेयर चिरिबाबु महर्जनं दसिपौ ल:ल्लानादीगु ख: ।



नेवा: ज्याभव:या नितिं नीस्वन नेवा: सूचना केन्द्र

ज्वजलपा: वा:पौ

नेपालभाषाया भाषिक व साहित्यिक ज्याभव: त व्यवस्थित यायेगु तातुना शुक्रवा: यें छगू ज्याभव: यासं नेवा: सूचना केन्द्रया उलेज्या या:गु दु ।

राजेन्द्र रञ्जितया संयोजकत्वय् श्रीकृष्ण सुलु, नरेन्द्र श्रेष्ठ, र मिता बज्राचार्य, रवि महर्जन, पवित्र कसा:, बिराज राजोपाध्याय, र लकाजी महर्जन 'मन', रत्नकाजी महर्जन 'लूनिभा', सौरभराज कायस्थ, सरस्वती तुलाधरपिं दुथ्या:गु ज्यासना पुच: नीस्वंगु दु ।

छन्हु हे छगू हे इलय् त:थाय् नेपालभाषाया ज्याभव:त मल्वायेमा धैगु तातुना तया:केन्द्र न्ह्याकागु खँ संयोजक रञ्जितं धयादीगु दु लसकुस न्वचूया भवलय् साहित्यकार सरस्वती तुलाधरं छगू हे तिथिइ छगू हे इलय् नेपालभाषाया थीथी ज्याभव:त ब्व:जिइबलय् साहित्यकार त गुगु ज्याभवलय् ब्वति कायेगु धैगु बाम्हय् काइगु जूगुलिं थुगु केन्द्र मा:गु खँ कनादिल ।

नेवा: सूचना केन्द्र नेपालभाषाया भाषिक व साहित्यिक संघ संस्थातय्गु ज्याभव:यागु सुचं मुंकेगु व मुंगु सूचना सम्प्रेषण याना: नोटिस बोर्डया रुपय् ज्या याना वनीगु केन्द्रया दुज: पवित्र कसालं धयादीगु दु ।

नेपाभाषा स्यनेकने पुच:या नाय:, केन्द्रया दुज: रमिता बज्राचार्य न्ह्याकादीगु उगु ज्याभवलय् पलिस्थाया न्वकू पूर्णकाजी ताम्राकार, नेपालभाषा एकेडेमिया प्रा. प्रेमशान्ति तुलाधर, लोक साहित्य परिषदया तुल्सीलाल सिंह, नेपालभाषा केन्द्रीय विभागया प्रमुख प्रा.डा. चन्द्रमान बज्राचार्य, हलिं नेवा: गुथिया प्रा.डा. तुयु बहादुर महर्जन, नेवा: देय् दबूया नाय: नरेश ताम्राकार, नेवा: राष्ट्रिय मुक्ति मोर्चाया न्वकू गोर्की श्रेष्ठ, नेपालभाषा क्लवया नाय: कमला मानन्धर लगायतपिन्सं भिंतुना न्वचू नापं थ:थ:गु नुग:खँ तयादीगु ख: ।

उगु नेवा: सूचना केन्द्रपाखें नेवा:तय्गु ज्याभव:या सूचनायात सामाजिक संजालपाखें नापं थीथी कथं जानकारी बिइगु जुइ धका: तर्क धा:गु दु ।



तपाईंको टोलमा भएका घटना कीर्तिपुरको समाचार बनाउने हो भने तपाईं एक कल फोन गर्नुस् हामी तपाईंको टोलको समाचार कीर्तिपुरको समाचार बनाईदिनेछौं

कीर्तिपुर सन्देश साप्ताहिक



कीर्तिपुरको चित्रण

किपुलिं पिदनाच्चंगु कीर्तिपुर सन्देश वा:पौ व ज्वजलपा: वा:पौया ग्राहक जुइगु नितिं स्वापू तयादिसँ

कार्यालय: निखासी टोल: कीर्तिपुर नपा-३
फोन नं.: ४३३३००७, ९८४१४०१०७७

ज्वजलपा वा:पतिइ छिगू चिनाखँ/बाखं/हाइकू विज्ञापन व मेमेगु च्वसू पिथनेगु जूसा जिमित स्वापू तयादिसँ

सकलसिगु मंका: स:



ज्वजलपा वा:पौ

ज्याकू: निखासी त्वा: किपू नपा-३ फोन ल्या: ४३३३००७, ९८०८६२६४२० ई-मेल : kirtipur_sandesh@live.com

साहित्य उपन्यास – जन्ति न्त्यात

च्वमि— मदन गोपाल प्रधान “क्वा:घासा”
कथहं

बीर मैचित ग्वाहालि याना च्वंम्ह मनमायायात स्वया:, “जि पिने छक: वना वये ।” धका: धया: श्री वन । पिखा लखुइ थ्यनेवं दित । भचा बिचा:यात । अले पला च्वयेकल । खवय् रिखे स्वया: वन । व गन वने त्यंगु, सखे वंहे नं मस्यू थें च्वं । तर व वनाच्वन । वयागु मन मस्टिष्क मन्द: कया:च्वंम्ह इमा थें चा:चा: हिला च्वंगु दु । अले व इमां दायेका: च्वंम्ह खाया मचा थें भ:भ: नया च्वंगु दु । कय्कां का:गु नुगलय् थ:मांया इच्छा थ:गु आकान्छा अले अतित आदि दक्व फुक्कं गुन्दु क्वचिने थें क्वचिना: पला न्त्याका च्वन ।

म्व: ल्हुया: पिने त्वालय् निभा: पाना च्वंम्ह नर्वनितं श्री वया च्वंगु यानं निसें खन । थ: पाखे स्वया: वया च्वंम्ह श्रीयात वं तापाकं हे नमस्ते यात । तर श्रीं थ:त मखंगुलिं नर्वनित भचा न्त्यज्याना: नमस्ते श्री दाइ धका: धासेंलि न्त्यनेसं दना: मुसुका: ख्वालं थ:यात नमस्कार याना च्वंम्ह नर्वनितयात वं खन ।

“ए, हो हे मदुका ! छु याना च्वनागु, नर्वनित ?”
“नर्कतिनि म्व:ल्हुया वायगुलिं निभा:पाना च्वनागु । छि गन भाये त्यनागु ?”

“गन वने ? म्हाइपुसे च्वंगुलिं थय्क छक: पिहाँ वयागु । न्हय्न्हुइ छक: वइगु विदा नं गबलें गबलें ला मवसां हे ज्यू थें च्वं ।”

“तले वनेका, भासैं ।”
“तले वना: नं छु यायेगु ? पुतुं कोथाय्न्तुं गुलि च्वनेगु ?”

“टि.भी. चायेके का, भासैं ।”
“टि.भी. नं छु स्वयेगु । गतिला:गु कार्यक्रम गबलें विइगु मखु । वरु नु गनं चा:ह्यू वने । छं ज्या ला मदु मखा ?”

“ज्या ला मदु । छि गनं भाये म्वा:सा तले हे वने । भासैं ।”

थुखे नर्वनितया आग्रहसा उखे न्हि गथे छ्यायेगु धयाथें जुया च्वंम्ह श्री न नि मवासे नर्वनितयानाप वन । मातं कोथा चायेका: निम्हं दुने वन । श्री वना: धिसिक्क धायेक सोफाय् फ्यतुत, धाथें टि.भी. हे स्वयेत व:म्ह थें च्वं । भ्यालय् भ्या: काप: तया: नर्वनितं टि.भी. चायेकल । टि.भी. चायेका: श्रीया जवय् च्वंगु सोभाय् नर्वनित नं फ्यतुत ।

थी थी नसा, तिसा अले वस:या विज्ञापन वया च्वन । भचा जायेका हिसि दुम्ह मय्जुं नंवात, “आ: स्वया दिसँ छगू टेलिचित्र “यज्जु व मतिना ।”

इलिमिलि धायेक नगुतय्सं छायेपियात:गु सर्गतय् चन्द्रमा जहाँ थिना च्वन । तापाक्क यानय् गुंया क्वय् मिखां हे न्त्याये मदुगु छगू त:धंगु चकंगु फाँत । स्व: स्व: थाय् वंचुसे पिचुसे । उकियात ल्वयेक थाय् थासय् तत:मा:गु सिमात । पं भुजात ।

व फाँतया छेखे लिक्क सिमातय् दथुइ लाक्क चिकिचा खागु छैं छखा । छचा:खरं पंया वालं ग्वयात:गु । छेंया चाक:लिकं चिचिचाग्व:गु च्याफिल्वंया पेति । व पेतिया दथुइ निकुछि निकुछि पाक्क थीथी स्वाँमाय् ह्वया च्वंगु स्वाँत । भ्या:या ज: ख: गया वना च्वंगु गसि मांत । अले सिरिसिरि वया च्वंगु फसं अनया वातावरणय् नस्वा: थना च्वन । भचा पाक्क छेंया खवय् पाखें जुया: वना च्वंगु खुसिचाय् न्त्याना च्वंगु ल:या कलकल सलं सर्गतय् जहाँ थिनाच्वंगु तिमिलायात गिजय् याना च्वन ।

स्व: त्वाथ: गया थहाँ वनेवं मू लुखा दुहाँ वनेवं ज:पाखे छकू त:धंगु कोथा । कोथाया दथुइ धलिमय् च्या:गु लम्फा छग: खाया त:गु दु । फुक्क भ्या:खापा तिना त:गु दु । तर व त:कुगु कोथाया न्त्यने ला रिखे स्व:गु त:पागु भ्या: चा: । चा:गु भ्यालं सिरि सिरिं वया च्वंगु फसं सालुसे च्वंगु भ्या: धकिंयात धलिमय् थीथें च्वंक हुतान नक्का च्वन । दिपा: मदयेक उखें थुखें उखे हुस्तुं पुला च्वंगु लम्फा यानं स्वयेबलय् पुलुपुल केरा व्वया च्वंगुथें च्वं ।

क्याँय् क्याँय् हा हां व्वया वया च्वंम्ह याक: सुकभ्तु गुं रिखे स्वया वन । भचा जायेवं सुकभ्तुया हा:स: नं ताये मन्त ।

तापाक्क यानं अथे हे नी नि दाँते दुम्ह मिजँ छम्ह ध्याग पला: याना वया च्वन । गुलि गुलि न्त्या:वया च्वन उलि उलि हे वया पला: च्व: । फाता फाता वया च्वंम्ह व मनू पंया वालं ग्वया:त:गु छैं न्त्य:ने थ्यंक: वल । पंया वा:या लुखा चायेका: तय्यंक छैं दुहाँ वन । खपा तित । चुकू तित । चुकू तल । कोथाय् वना भ्या: नं तित ।

जालि थें साल्लुसे च्वंगु गुलाफि रंगया म्याक्सि फिना: अथे हे नीर्दित दुम्ह ल्यासि ग्वारा तुला च्वंगु नाइसे च्वंगु तच्चागु लासाय् वाच्याक्क मिक्क व मनू फ्यतुत । केलेहें लूगु मिखां छक: ज्वयेपिना स्वया: व मिसां धाल, “छाय् लिवा:गु ?” अले न नि मवासे तंम्व: पहलं मू पुल ।

लिबाक्क व:गुलिं थ: यज्जु तंचागुलिइ व मिजं नं छुं धाये थाय् मदया: ह्ययेके मनं व मिसाया ल्हातिइ चुपा नल । अले तिइजक ख:गु ल्हा: न्त्याका फ:स्वया च्वंगु व मिसाया ख्वा: थ:पाखे स्वका: क्वमिलु पहलं धा, “थ्व छक:यात माफ या । लिपा हानं गबलें नं लिबाके मखु ।”

“न्त्याबलें अथे हे जक धाइगु । जि थन गयेयाना मन तया च्वन जुइ धका: छं गबलें बिचा: या:ला ?” नाइसे कन्नाचा:गु सलं व मिसां धाल ।

“बिचा: मया:सा जि थन गथेजुया: लात जुइसा ?” थस्वया च्वंगु व मिसाय् ख्वा: त्वाके थें याना: व मिजं नं धाल ।

“ख:सा जिं !” धका: धया: कतिक्क घय्पुना: मिजंयात थ: नापन्तु ग्वारा तुइकल ।

मिसा व मिजं छगू हे पलंगय् ग्वारा तूगु लू खना: नर्वनितयात भतिचा मछा: थें भतिचा मछिं थें जुल । छाय्धा:सा अन व याक:चा जक मखु । वं हनेमा:म्ह श्री नं दु । गथेखेसे मिं पहलं “च्या कया हये ।” धाधां नर्वनित दन ।

“ज्यू ।” नर्वनितया मनया खँ थुइका: श्री धाल ।

श्रीया उजं जक दयेवं नर्वनित कोथां पिहाँ वन, छवर्महूगु गुच्चा हुत्तय् जुइथें । नर्वनितया पह: खना: श्री मन मनन्तुं न्हिला: टि.भी. स्वया च्वन ।

भचा जायेका व मिजं पलंगं दन । मेचय् फ्यतुत । मिसा लासाय्न्तु ग्वारा तुला च्वन । लुमधं पहलं केलेहें लूगु मिखां व मिजंयात स्वयाच्वन । भचा लंका व मिसां धाल, “सुं दाकुत वया: जित: छनापं फाया: यन धा:सा छं छु याये ?”

“दाकुल ला छु, अमि अबुपिं हे व:सां छन्त जिनाप फाया सुनानं यंके फै मखु । यदि सुनानं अयागु कुत: यात धा:सा जिगु हि छफुति दतलय् अमित त्व:ते मखु ।”

“छं ल्वाना च्वंतलयँ मेपिं दाकुतय्सं जित: अमिथाय् छें यंकल धा:सा ?”

“व हे छैं वया: जिं छन्त का: वये ।”
“अबलय् तक छु अमिसं जित: छंम्ह धका: फ्याना तइला ?”

“छ जिम्ह यज्जु ख: । जित: छ मा: । मेगु जिं छुं नं मस्यू ।” कथहं

हलिं नेवा: गुथि किपू कचां किपुली या:गु
“भिके-ल्ह्वने-न्हूधा: यायेनु”छुयों तया चिनाखँ गोष्ठी व्वंगु चिनाखँ छुसिंकथं
पिकया वनेगु तातुना थ्व चिनाखँ न्त्यव्वयागु ख:

५४.भ्वखाय् छगू वास्तविकता त:गु

कर्ण वहादुर महर्जन
नगां, किपू

भ्वखाय् छगू आकश्मिकता अनिश्चितता दुनेया छगू नियमित प्रक्रिया थौं वइला कन्हे वइला धाधां आखिर वया: हे त्व:तल क्षणभरय् भयावह लिच्च: क्यनावन ।

परिणाम छगू वास्तविकता गुलिखे ऐतिहासिक सम्पदात ध्वस्त जुल सलंस: गांबस्ती उजाद जुल द्वलंद: छैं पाताल जुल द्वलंद: मनूत ल्हाना: सिनावन गुलिखे घा:पा: नया अपाङ्ग जुल ॥

चुनौती (निगूगू वास्तविकता भी न्त्योने चुनौतीया पहाड दं वल भ्वखाचं दुंगु सम्पदात ल्होनेगु पाताल जूगु छैंत ध:स्वाकेगु उजाद जूगु गांबस्ती पुन:स्थापना यायेगु (हाकन पलिस्था यायगु) अस्तव्यस्त जूगु भीगु जीवन त्राय्कय् हयेगु ॥

अकर्मण्यता (स्वंगूगू वास्तविकता म्हुकंसमान न्ह:बुयाव:गु सामाजिक संस्थात राहतया नामय् व:गु, ध्वरिगाकाछ्व:गु खाद्यान्न भंसारया गोदामय् हे चनावंगु राहत सामग्री मानवीयताया नामय् व:गु कोतिकोति ग्वाहालि दां मात्र म्हुतु छप्वा:जक न्या:पि भ्रष्ट व असक्षम राजनेता व प्रशासकत ॥

निरहिता (प्यंगूगू वास्तविकता न्हापागु भक्त्का अचानक वैशाख १२ गते वल हाकन मेगु भट्का वैशाख २५ गते वल वयालिपा मानव सुनियोजित भट्कात छगूलिपा मेगु तथ्यांक संकलन भट्का मन्त्री व नेतातयगु आश्वासनया भट्का विदेशी मिशनरीतयगु ग्वहालीया भट्का भट्काया भट्कां थलय्जूपिं निरहय् भ्वखाचं प्रभावित नेपामीत ॥

प्रायोजित संचार (न्यागूगु वास्तविकता चाकु माकुगु आश्वासन लुदंक न्यनेधुन राहतया प्रायोजित विज्ञापनत मिखा तुंक स्वयेधुन क्षति मूल्यांकन व तथ्यांक संकलनया नाटकनं यक्व स्वयेधुन पुन:निर्माण योजनाया अन्तर्क्रिया नं यक्व न्यनेधुन थ्व दक्व दक्व त:भ्वखाय् धाराबाहिक श्रृंखला जक जुल ॥

भीगु पौरख (खुगूगू वास्तविकता इतिहासया ता:हाक:गु कालखण्डय् यक्व त:भ्वखाय् व्वल, यक्व सम्पदानत ध्वस्त नं जुल तर भी पुर्खापिसं थ:गु हे पहलं थ:गु बस्तीलगायत सम्पदात ध:स्वाकल तर भीपिं धा:सा दरिद्र मानसिकतां ग्रसित जुया:

आशाकृति पहलं कर्किया ख्वा: स्वयाच्वना भीसं वा: चाल आ: आश्वासनं जक भीगु सम्पदा धस्वाइ मखु भीगु पौरखं हे भीगु गौरव धस्वाके फइ ॥

बिजुली जीवन, चिम मनू

मदनगोपाल प्रधान, क्वा:घासा
बल्खु चक्रपथ

ल:धा: न्त्यातले, च्याइगु मत ।
ब्याट्टी दतले थिइगु मत ।
उर्जाया कुतलं फ़िलिर्मिलि धाइगु मत ।
च्यानाच्वनीबलय् सुया मतिइ लुइ मत वनी धका: ?
मत सिइ धका: ?
थिनाच्वनीबलय् भौँभौँ हे धा:
ज:या गुनगान नं सकसनिं या:
तर थिनाच्वँतले हे मखा मत व मनू उर्जा दतले हे ख:
च्याइगु व म्वाइगु म्वानाच्वँतले सुना ता: सिइ धका:
च्यानाच्वँतले सुना चा:
मत वनी धका:
बिजुली जीवन चिम मनू

थ: हे सक्षम जुइया निंतिं भीत भीगु हे थाय् मा:, लागा मा:
भीत स्वायत्त राज्य मा:
थ:गु अधिकार सुनिश्चित यायेया निंतिं अथे जुया:
भी भी जुया दनेमा:गु दु ।

छिगू नं चिनाखँ, बाखनिसें छुं
नं कथंया च्वसू दुसा बियादिसँ
जिमिसं त्व:कंह्वा:गु ज्वजलपा
वा:पतिइ पिकायेगु जुइ ।

ज्याकू: निखासी त्वा: किपू नपा-३
फोन ल्या: ४३३३००७,
९८४१४०१०७७
ई-मेल :
kirtipur_sandesh@live.com

खल नायक



नाति महर्जन

व:चपा:, पाँगा

नेपा: देय्या महानायक धा:पिं

नयला ध्वं सुलेमला: खुँथें च्वपिं

भी सोभा जनताया मिखाय् धुलं छुवाका:

खल नायक जुया देय् नास या:व:पिं ॥

४६ सालनिसें फोहरि राजनीति यानाच्वपिं

निक: निक: प्यक: प्यक: प्रधानमन्त्री जुईधुंकूपिं

जनता खयका: देय् स्येका:

न्हय्गु पुस्तायात गाक्क कमाय्या:पिं ॥

जनतां तिरस्कार याये धुंकूपिं

ज्या याये मफया अयोग्य धायेधुंकूपिं

निथासं निथासं चुनावय् बुका: छवलनं, छुयाय्

तन्त्र मन्त्र याना: हे प्रधानमन्त्री जुइस:पिं ॥

सरकारी उद्योग चलय् जुइगु स्वये हे मय:पिं

कारखानां पिहाँवइगु धुँ कूँ फय्हे मफुपिं

सरकारी कलकारखानां वइगु आम्दानी स्वया

कमिशन वइगु धेवा जक मिखा तयाजूपिं ॥

उद्योग चलय् जुलकि देश विकाश जुई धका: ग्या:पिं

दक्क उद्योग बन्द याना जनता वेरोजगार या:व:पिं

थजा:पिन्त भीसँ महा नायक धयाचवना आ:तकनं

नायक मखु थुपिला राष्ट्रघाति खलनायकका थुपिं ॥

धेवा धालकि स्वंग: मिखां स्वइपिं

ईमान धर्म हे त्व:ता भ्रष्टाचार याना जुइपिं

थजा:पिन्सं देश विकास याईधका: छु आश यायेगु

मनू हे मखु थुपिं घाय् हे न:पिं ॥

धाथें धाय्गु ख:सा नेता धाय् हे मल्व:पिं थुपिं

चिकं लापा थें पसुइनं पछि नं थ्याक:जुइपिं

पदया लागि पार्टी सिद्धान्त त्व:ता: सां

लाज पचे याना जनता न्ह्योने वय्छा:पिं ॥

कत:पिन्सं तपाईं मधा:सां मपाईं धाइपिं

म्हुतु न्या:थें ज्या मन्या:पिं

जनता असफल ज्यालगय् मजू धालं हे

जिति सफलम्ह प्रधानमन्त्री सुं मदु धाय्छा:पिं ॥

जनताया गाँस बास लाका का:व:पिं

ह्यका: ह्यका: आदिवासीतय् पितनेत स्व:पिं

थुपिं सत्ताय् च्वनाच्वंतले जनतायात सुख विईमखु

थुपिला खल नायक, राम राम धाधां बुईचा म्वय्हीलीपिं ॥

न्यादँय् छक: यायेमा:गु स्थानीय चुनाव ईलय् यायमफुपिं

आ: नं बल्ल स्वंगु चरण याना यायेत्यपिं

अजा:पिन्सं जि ति सफलम्ह सु दु धका: फुई याना छुयाये

न्ह्याय् ध्यना स्वर्ग खने दुगु खँल्हाईपिं ॥

चुनाव हे याये म्वा:क खुलाय् छक: प्रधानमन्त्री जुइदुपिं

गद्दीजक द:सा गा देय्या सविधान हे म्वा:पिं

न्ह्याये यानासां प्रधानमन्त्री जुइगु लागि फौ च्वले न्याय्थें न्याना

दुई तिहाई बहुमत खाके फतकिगा:पिं ॥

देय्या विकाश याय्गु ला मतिं हे मदुपिं

सत्ता जक द:सा देय् मदुसां छु मपा:पिं

नीदँ नीन्यादँ दत थुमिसं राजनीति खेलवाद याना

दोकय् दुरु न्ह्याना मोजं नयाच्वपिं ॥

महेन्द्रया पालय् देय् गुलि विकाश जुल उलिहे तिनी

लोकतन्त्र वसेली विकास जुल धा:गु न्यने ब्वने मन:नि

पूर्व, पश्चिम, उत्तर दक्षिण थिइक दय्का: त:गु राजमार्ग

लोकतन्त्र सरकारं आ:तक मर्मत हे याय् मफुनि ॥

पंचया पालय्या करकारखाना मियानल

रोप वे, टूली वसनं सुना सुना छुया: नल

थजा:पिं नयद्य:तय्सं छु देय् विकास याई

थुमिसंला देय् कंगाल याना जनता स्याय्तका स्वयाजुल

महानायक धका: जनतां ल्य:यात:पिं

खलनायक जुया: पिहांवल देसय् इपिं

४८ सालनिसें जनतायात आशवासन जक बिया

थां घय्पुइका: संग्गा फाय्का त:पिं ॥

ज्यापु दिवसया पा:ब्व न:बहा:

ब्रम्हत्वा: खल:यात ल:ल्हात



ज्वजलपा वा:पौ

ज्यापुतय्सं दँय् दसं योमरि पुन्हिया दियात ज्यापु दिवसया रुपय् हना वयाच्वंगु दु । यँय् जुइगु ज्यापु दिवसय् यँया परम्परागत त्वा:या जक मखु स्वनिग: नापं स्वनिगलं पिनेयापिं ज्यापुत नं सहभागी जुइगु याना वयाच्वंगु दु ।

ज्यापु संस्कृति विकास कोषं यँ महानगरपालिका दुनेया ६३ गू त्वा:या सांस्कृतिक गुरुपिन्त वंगु आइतवा: छगू ज्याभव:या दथुइ सम्मान या:गु दु ।

गुरुपुन्हीया न्हिइ उकथं सम्मान ज्याभव: या:गु ख: । अथेहे, १४ व्व:गु राष्ट्रिय ज्यापु दिवस थुगुसी नं त:जिक न्यायेकेगु नितिं न:बहा: ब्रम्हत्वा: खल:यात पा:ब्व ल:ल्हा:गु दु ।

उगु ज्याभवलय् यँ महानगरपालिकाया मेयर विद्यासुन्दर शाक्य उपस्थित ज्यादीगु ख:सा अथेहे ज्यापु विकास कोषया संरक्षक व पूर्वमन्त्री तीर्थराम डंगोल उपस्थित ज्यादीगु ख: ।

ज्यापु दिवसया नितिं यँया परम्परागत त:यात सांस्कृतिक जुलुस पिकायेगु न्वसा: न्वयेगु भाला बिया वयाच्वंगु ख: । अले ज्यापु दिवसया हे भूवलय् कलारकार, खल: पुच:निसें पत्रकार तय्त तकं थीथी कथंया सिरपा: ल:ल्हाना वयाच्वंगु दु ।

छित्त: स्थानीय नेता, उद्घोषक, वक्ता नापं बांला:म्ह एफ एम संचालक यायेगु जिमिगु अभियान


छिगु नितिं मदयेकं
मगा:गु

संचार साक्षरता

न्वचू कला

उद्घोषण

एफ एम संचालन



उकिया नितिं छिं सफू न्याना ब्वनादिसँ । छि थ: स्वयम् हे सक्षम जुयादिसँ ।

सफूया नितिं फोन ल्या: ४३३३००७, ९८४१४०१०७७,
९८४१७५२५८३

ख्यें खला...आपालं ज्या व:निसा !

ज्वजलपा वा:पौ

ख्येंया फुक्क ब्वयात भीगु जीवनय् छयलाबुलाय् हयेफु । सीकादिसँ, छिगु नितिं ज्याख्यलय् व:गु ख्यें खलाया विषयस टिप्स :

म्हग:या छुं ब्व बाय् छुं अंगय् ल्वाभ:पाखें घा: जुल धा:सा मना:त:गु ख्येंया भिल्लीयात घा: जूगु थासय् तयां तिकादिसँ, थुकी दूगु न्यूट्रिसिएट्स आपालं फाइदा याइ ।

अथेहे, छँय् 'छुं' आपालं हे दु:ख बियाच्वंगु दुसा छुं वइगु लँपुइ ख्येंया खलायात कुचाकुचा याना: तयादिसँ, छुं वयेगु त्व:ति ।

फोहोर व हाकूगु थलवलयात साबुं व लखय् ख्यें खलाया पाउडर ल्वाकछुवाना: सिलादिसँ । छिगु थलवल सफा व चम्चम् चम्के जुइ ।

तरकारी बाय् सिसाबुसा (फलफूल)यात की थाइगु पाखें बचेयायेत ख्यें खलायात कुचाकुचा याना: तरकारी व सिसाबुसाया लिक्क तयादिसँ । थुकिं सदां की थाइगुपाखें बचे याइ ।

ख्येंया खलां खालय् चमक हयेगु नं ज्या याइ । ख्यें खलाया पाउडरय् कुनू (घिउकुमारी)या जेल (ला:) ल्वाकछुवाना: पेष्ट दयेकादिसँ, खालय् पानादिसँ । १० निसें १५ मिनेट धुंका: ख्वा: सिलादिसँ । खालय् आपालं चमक वइ ।

ख्यें खलायात सिला पाउडर दयेकादिसँ । थुगु पाउडरयात चिकुलाया इलय् फेस प्याक दयेका: खालय्, थीथी म्हगलय् पानादिसँ । छिगु म्हग:या छ्यंगु अतिकं नरम जुइ ।